

مجله دانش

س ۱ ۳۰ ۳ ۱ ۳ ۱

والله يهدي من يشاء الى صراط مستقيم ديني . علمي ، ادبي ، سياسي هفته لاق مجموعه اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

صمیمی بر حیات آنکدار اقتصادیاتدن تمی ایدمایدی پک چوق اصابت
ایتمش اولور ایدی ! کرید رسمو اهالی مسلمه سی وکیل عمومی
دعوا وکیلی کریدی

احمد ساقی

روسلر - ایرانیلر

مشهد بمباردمانی

روسیه حکومتی ۱۹۰۷ سنه سنده انکلتزه ایله کنندی بیتنده عقد
ایلدیکی ائتلاف موجبجه ایران شمالیده کنندیسنه بر [منطقه نفوذ]
ایریش و انکلتزه ایچون دخی ایران جهت جنوبیه سیله شرق جنوبیسنده
بر منطقه آیرمیشدر . روسیه، ایرانک ایالات و ولایات شمالیه سنی فعلاً
اشغال ایتک ایچون ایران حکومتنه قارشو آتاً قاتاً مشکلات ایجاد
ایتمکده قصور و اهمال کوسترمامشدر . ایران حکومت مشروطه سیله
وطن پرورلری عاجز براقق ایچون ایران داخلنده آسایش سزک
واغتشاش حصوله و ارقوتی بازویه ویرمش و ایران مشروطیتک تمرکز
و تأسیسه دشمن اولان سابق مستبد و مرتجع لری ایران علیهنده دائماً
تشویق و ترغیب ایتشدر . کاه رحیم خانی ، کاه (شجاع الدوله) حمد خانی
بعضاً محمد علی و عونیه سنی ایرانه مسلط ایدوب ، بوسقیلری آلت
مخصوصه اوله رق مطلوبی وجهله قولانمش واک صکره ایران امور
مالیه و اقتصادیه سنی اصلاح ایچون امریقادن جلب ایدیلان مالیه مشاوری
آمریقایی مستر (شوستر مورغان) ایله معیتنده کی رفیق لری ایرانده
قوه دن فعله چیقارمق ایستدیک آمال و منویاتنه مغل و مضر کوردیکندن
عزل لریله ایراندن چکیلرلی اسبابی تمیه و احضار ایله اوچ سنه دن
برو ایرانده بولندیرمقده اولدینی قوه عسکریه سی واسطه سیله مظالم
کونا کون ارتکاب ایدرک ، مشروطیتک ایلرو کیتمنه بر مانع قوی
ایجاد ایتشدر . بوقدرله اکتفا ایتیمان روسیه ، اخیراً آذربایجان و تبریز
وقایع مؤله سنه سبیت و یروب یوزلرجه معصوم و بیکنه اولاد وطنک
اعداملرینه تشبث ایتدکدن صکره بقیه السیف قالان ایران احرارینی
حبس و اشکنجه ونفی و تبعید ایله تحقیر و توهین ایتشدر . کنندی
طرفداری اولان ایران مرتجع لری - شجاع الدوله کی - سرکاره
کتیره رک کیمنی والی ، کیمنی ده مهم مأموریتلره تعیین ایتش و ایران
قابینه سنی کنندی امرینه مطیع و منقاد ایتشدر .

ایران ملت مجلسنی بوسیه ایله طاغیتش و ایران مجلسنی مرتجع
قابینه ایله قاتدیروب ، بختیاریلری پاره قوتیه اغفال و آنلری ملت
لهنده بولنقدن ممانعت ایتشدر . روسیه ، اک صکره ایرانک
(کیلان) ، (مازندران) ، (آذربایجان) ، (قزوین) ایالات و ولایتلری
طوغریدن طوغری به قوه عسکریه سیله اشغال ایتش و ایران احرارینی
ترک دارودیار ایتکه مجبور ایتشدر .


عد ایتش ، باشمزه یانان آتشلری کورمیه رک ، کریدده ناموس
ملیمزی احتراصات متضاده سیاسی سیله کوزلرینه پرده ایتش اولان
« حامیلر » ه تودیع ایتش ایدک . بوحالت فجیه به قوجه بر دولت
معظمه بی مضطربیلانلره لغت یاغدیرمق وظیفه حیتدر ظن ایدرز .

دیگر طرفدن « مستودع » صفتی ویرمش اولدیغمزدن دول
معظمه نک کریدده - تعبیر معذور کورلسون - اوینادقلری ایکی یوزلی
قومدیانک زهرلی آلتیشلری طویلایان زواللی ملت عثمانیه نک پرحدت
وخشم احتساستی شوراده شرح ایتکدن واز کچمیز . بز کریدی
بر « ودیعه » اولق اوزره دول معظمه به تسلیم ایتدک . ودیعه نک
برامانت اولدینی و بناء علیه انده تصرف جائز اولدینی ارباب حقوق
کی رحال سیاسیون دخی تصدیق ایدرلر . شو حالده مکتوبک محرری
طرفدن واقع اولان اعترافه بناء دییه بیلیرزکه : « دول مستودعه » بزه
قارشو خیانت ایتدیلر . کردون بر آسیاب فلاکت مدار ایسه بوخیانته
سبب اولانلرک جزاسنی ار ، کیچ ویره جکدر . ذاتاً مشیمه سیاستک
بوکونلرده نه طوغوره جغنی بیلیمورز . فقط امیزکه بحر سفید
موازنه سنی - کریدی وسیله عد ایدرک - بوزمق ایستیانلره پک بیوک
بردس تأدیپ حاضر لایور . حتی ادعا ایدم بیلیرزکه عالم سیاسیانه
کورینن مظلم بلوطلرک مرکز اتساعی کرید اوله جقدر .

دول مستودعه نک طوطدقلری طریق ناهمواری شهره نجات
وشرف عد ایتکه میل ایدن یونان قومشومز اکر رجال سیاسی
مشهوره سنک سرتاجی اولان (تریقوی) نک وصیت اخیره سنی دوشونه رک
و « کرید یونانستان ایچون بر مزار فنا اوله جقدر » دستور سیاسی
اسالاس حرکات اتخا ایدرک ترکیا ایله جدی و صمیمی برسیاست
تعقیب ایتش اوله ایدی انجام کارده کنندی ایچون انکسار خیالی
موجب طولاشیقلی بر یول طوتمش اولمازدی . بز یونان باش وکیلی
(ونیزلوس) ی شخصاً طانیر و ذکا و درایتی تصدیق ایدرز . فقط
سیاسی مشارالیه ک - بلکه ایستیمیه رک - فنا ، پک فنا بر عاقبه منجر اوله جق
بر سیاسته آلت اولدینی ادعا ایتکدن کندمزی منع ایدمیز . کریدک
فیاض و محسن اقلیمندن اخذ ذکا ودها ایدن یونان باش وکیلی بیلیمیدرکه
کرید عثمانلی مملکتی قلاماز ایسه یونانستان ایچون خسران محققدر .


دول مستودعه کریدی ید امانت لریه آلدقلری زمان « حقوق
حکمرانی عثمانیک جزیره ده بقاسنی و اسایش عمومینک تأمین ایله
برابر عنصر اسلامک محافظه جان و عرض و مالنه متعهد » بولندقلری
رسماً و قطعاً باب عالی به بیان ایتدیلر . عجا هدف حرکت ایله مقصد
اصلیلری ارده سنده تظاهر ایدن تناقص و مباینتی تألیف اقتدارینی حائر
هانکی سیاسی موجوددر ؟ بوراده کی سؤالمزی یونان باش وکیلنه
توجیه ایتکدن احتراز ایدرک دیرزکه : ونیزلوس شان ظفری کریدک
شواهد معلا سیاسیسنده آرایه جق یرده عثمانلیق عالنده جدی و پک

دها صکره لری (خراسان) و (مشهد) ی دخی ضبط واستیلا
ایتمک ایچون وقتندن اول اورالره کندی عساکرینی سوق ایدرک، (یوسف
خان) هراتی و (محمد خان) نیشابوری کی خائنلری مشهده اغتشاش



امام ثامن (رضا) حضرتلرینک مرقد شریفی

یازیسی و ایرانک الک کزیده و مشهور خطاطلری طرفندن سنه لرجه
امک صرف ایتمک صورتیه میدان کتیر بلان مذهب و منقش کتابلری ده
الده ایدوب روسیه یه یوللا مشدر. بو فجایعندن صکره روسلر
آسایش سز لکه سبیت ویرن شقیلری صالیویروب، مشهد پولیسلرینی
وظیفه لرندن تجرید ایتمشدر. اخیراً مشهد والیسی بولان (رکن الدوله) یی
اداره سز لکنندن بحثله ایران قابینه سنه عزل ایتدیروب یرینه کندی
طرفدارلری اولان (نیر الدوله) یی تعین و (خاراقوف) نامنده کی
بروسیه یی مشهده پولیس مدیریته نصب ایتمشدر. لوندرده منتشر
(شرق قریب) غزه سنک بیاناتنه کوره امامک مزارینه التجا
ایدن یچاره لک مقداری درت بیگ کیشی یه بالغ اولدقلری حالدده
بعضلری روسیه عسکرلرینک سونکیلریله، دیگرلری ده دیری اوله رق
قویولره آتیلمشلردر. روسلر، مدھش و مخوف کولله لرینک اصابتی
تأمین ایچون طویلرینک بر قسمی مرتفع بر خانک طامنه چیقاروب
یوز سکسان ایری مرمی و اوچ یوز الی اوافق کولله امامک مزارینه
آتوب، محل مذکورک بر قسمی کاملاً تخریب ایله دیگر قسمی
خساریدده ایلشلردر. بومباردمانه ربیع الاولک طقوزنجی کونی اوکله دن
اول باشلامش و اقشامه قدر دوام اولدقدن صکره نهایت ویرلشدر.
روسلرک تخریب اتندن سالم قالان یر، یالکز مزار شریفک مناره لرندن
عبارتدر. مذکور غزه یه مشهده کی مخبر مخصوصی طرفندن اشعار
اوندیغنه باقیلیرسه، روسلر، فتنه و فسادک مرتب و مسبی اولانلری
کاملاً تلطیف ایتدکدن صکره مشهده چکیلملرینی اخطار ایتشلردر.



امام ثامن (رضا) حضرتلرینک مرقد شریفی قبه سی
(روسلر طرفندن بومباردماندن صوکر)

وقتیله اناتولی و عربستان ایله ایرانده تبعات علمیه و فنیه و اجتماعیه ده
بولمق اوزره اورالرده اجرای سیاحت ایدن انکلتزه دولتک در سعادت
آتاشه میلتری Major P, M, Sykes - که حال حاضرده دولت مشار-

چیقارمق ایچون شاه مخلوع ایله برادری (شعاع السلطنه) واسطه لر یله
تشویق و تشجیع ایتش و آمالنه موفق اولمشدر. بالاخره اغتشاشه سبب
اولان اشقیایی دفع و تشکیل ایتمک بهانه سیله سریع آتشلی طویلری
واسطه سیله بالعموم اسلاملرک زیارتگاه ی اولان سکرنجی امام حضرتلرینک
مرقد مبارکلرینی بومباردمان ایدرک، عظیم مادی و معنوی خسارات
ایقاعنه موفق اولمشدر. بولسوز حاشه انساننده ایکی یوز یچاره
ویکناهاک اولومیه، یوز کیشینک یاره لیمسنه سبیت ویرلشدر. عقبنده
قو، عسکر یاسیله (امام رضا) حضرتلرینک مزار مبارک کنه کیروب،
اورایه روسلرک طوب کولله سنندن مصون قالمق ایچون التجا ایتش اولان
ضعفا و فقرایی حبس و توقیف ایتدکدن صکره کندی عسکرلرینک
استرو حیوانلرینه امامک مقبره سنی اصطبل مقامنده قوللا مشدر. (کبریج)
دارالفنون لسان و ادبیات فارسی معلمی اولان پروفیسور (ادوار براون)
جنابلرینک انکلتزده منتشر (مانچستر غاردیان) غزه سنه درج ایلدیکی
مقاله یه نظراً روس ضابطلری امامک مزار شریفنده بولان بوتون ایران
شاهلریله اکبر و اعیانی طرفندن نذروتبرع ایدیلان اشیای نفیسه و آثار
قدیمه یی کاملاً اله کیریوب پترسبوغ موزه خانه سنه کوندلر مشدر. امامک
مزار لغنده موجود اولان آثار و جواهر کرانبها ایله شاه عباس
وضفوی شاهلری دورندن قلله نفائس اشیا و مفروشاتی روسلر
غصب ایتدکدن صکره امامک کتبخانه سنده بولان بالجمله ال

نقیسه توزیع ایدلمکده بولنشدر . امامک امور وقفیه سنه بافق ایچون اجرای وظیفه و خدمت ایدن کتبه و محاسبیر ، بر کوچوک حکومتی اداره ایتکه کفایت ایدرلر .

بالاده کی بیاناتدن روسلرک ایقاع ایتدکری ضرر و خسارات مادیه نك مقدارى قولایلقله تخمین ایدیه بیلیر . داهایرانك نقاط شمالیه سنه کرکی کبی یرلشه میان روسلر سلمه السلام ایرانیلرک و عموم مسلمانلرک زیارتگاهنی تشکیل ایدن اماکنه قارشو تجاوز ایدوب بوکون اسلامری دلخون ایلشدر . بوحرکات درستانه و خصمانه ایله ایرانیلر روسلری نصل سوه بیلسونلر . بالعکس اعماق قیلمرند روسلره قارشو درین برحس خصوصت ایدلرکینه شهیه یوقدر . معابد و مساجد ایله رؤسای دینک مزارلری هریرده وهرملت و دین نظرند مصون بولندیغی حالده ، روسلر هیچ برشیئه اهمیت یرمیه رک مشهده کی (امام رضا) حضرتلرینک مرقد مبارکنی طوبلریله بومباردمان ایتک صورتیه ماهیت غرضکارانه لرینی درحال اورتیه قویمشدر . بوهفته ایچنده آذان تائیس غزته سنک باش مقاله سی ایران ایشلرندن بحث ایدرکن سوزینی مشهده بومباردماننه انتقال ایتدیروب ، روسلرک حرکات اخیرلرینی ادله و براهین منطقیه ایله انتقاد ایتش و سوء سیاستلریه اعمال قیبحه لرینی لسان طعن و لعن ایله یاد ایلشدر .

شیمدی منصفانه دوشونه لم ، روسلر نه یوزله ایرانیلری کندیلرینه ایصندیره جقلمر و نه حق ایله بوقالقلری یاییورلر . ایشه دول صلیبیه نك اک برنجیلرندن معدود اولان روسیه نك تشبثات استیلاکارانه سی بوندن عبارتدر . حیرت ، عبرت !

س . م . ت

مکاتیب

حقیقی مسلمانانی اوروپایه طائمه نك یولنی بوله لم

المانی - استوتگارت

المان له وائته واپور شرکتی طرفندن المانی اخراجات صناییه سنک تزایدی کندی واردات سنویه سنک ده تزایدی موجب اوله جنی ملاحظه سیله بر بچق سنه مقدم اولجه ماهیه اولمق اوزره والآن اون بش کونده بر چیقاریلان رسمی «المان له وائته غزته سی» ، کرک شرقرده تجارتله مشغول وطنداشلیرینه ، کرک وطننده شرقرله مناسبات تجاریه ده بولنان تجارتخانه لره بؤک بر منفعت تأمین ایلکده در . مندرجاتی ، شرقرده رواج بوله جق امتعه نك ره قلامندن ماعدا ، تجارت ایچون اورالرده کچن متاعک جنس و فیاتلریله ترکیبات اعمالیه سنی ، مناقصیه ، چیقاریلان اشیانک تفرعاتیه اصول تسلیماتی و محل مراجعتلرینی ، شرق قریب کورفر و لیسانلرینک ادخالات و اخراجات استاتیسیتیکلرینی ، تجارت نقطه نظرندن وقوعات یومیه و مهمه یی محتویدر . اشبو غزته نك مایس ابتداسنده نشر اولنان التنجی نسخه سنده :

الیهانک مشهده کی جنرال قونسلسوی بولنیور - A Tarvers La Perse نامنده تألیف ایتدیکی اثرده مشهده شهریه امام مشارالیهک مبارک مرقدی حقهده غایت اطرافلی معلومات مکمله اعطا ایدرک دیورکه : « پدر جهتندن سلاله سی حضرت علی کرمه وجهه ووالده سی ایسه حضرت فاطمه بنت نبی رضی اه تعالی عنیه متصل اولان سکرنجی امام (رضا) حضرتلرینک مزار شریفی مشهده قصبه سنک و سطنده کائن اولوب اطراف اربعه سی بویوک وکنیش جاده لرله احاطه اولنشدر . مذکور جاده لردن زوار امامک مقبره سنه آمدشد ایدوب نماز و دعا لریله اوقات خسهده اشتغال ایدرلر . مذکور جاده لرده و قتیله دیکیلن کولکلی ساحلورده اغاجلر ، مارین و عابرینک استراحتنی تأمین ایدیور . امامک مزارینی زیارت ایچون هر سنه بلاد بعیده اسلامیه دن ترک ، عرب ، عجم ، افغان ، هند ، جاوه ، تاتار ، اوزبک مسلمانلرندن آتش بیك کیشی مشهده شهرینه اوغرایوب کونلرجه اقامت ایدرلر . (مکّه معظمه) ، (کربلا) ، (نجف) زیارتگاهلرندن صکره بو محل مبارک اک معنا و مقدس اماکن مبرکه اسلامیه دن معدوددر . مزارک بولندیغی محلاک اطرافده کنیش اوطلر و رواقلر انشا ایدیلوب غربا و فقرانک اقامت لرینه تخصیص اولنشدر . بالعموم یریوزنده کی شیعی المذهب مسلمانلر طرفندن (حضرت رضا) یه هدایا و نذورات تقدیم اولنش و مشارالیهک مزاری عادتاً براسلامی (موزه خانه) حاله افراغ اولنشدر . بوتون ایران شاهلرینک تقدیم ایتدکاری قیمتی مجوهرلر ایچنده برقاچ دانه مرصع تاج دخی بولنقهده در . مرقد مذکورک پارماقله لرلیله قابولری صوم آلتون و کوموشدن یاییلیدیغی کبی ایچنده کی مفروشائی ده پک قدیم و دکرلیدر . بوندن بشقه امامک درت خزینه سی اولوب ایچنده انواع اینجولرله کوزل و قیمتی فیروزه و مجوهرلر طولودر . ایران شاهلرندن اولوب هندستانه هجوم ایله عودتنده برابر کتیردیکی آلتون و مجوهراتی (نادر شاه) کاملاً امام حضرتلرینه وقف و تبرع ایتک صورتیه دیندارلغنی اثبات ایلشدر . امامک مزارینی انشا ایچون (کاشان) ایله (آذربایجان) ولایتلرندن یکپاره و قیمتی مرمر و مصنع طاشلر مزاحم و مشاق فوق العاده ایله مشهده نقل ایتدیریلوب ایجاب ایدن یرلره وضع اولنشدر . مزار مذکورک انشاسنه و قتیله ایرانک اک برنجی معمارلری طرفندن اعتنا و دقت اولنش و اثرک میدان کتیرلمسنه صوک درجه همت و غیرت ایدیلشدر .

امامک موقوفاتی اوقدر چوقدرکه ، وارداتی بر کوچوک اوروپا حکومتک وارداتنه مقابله در . امامک مزاری اطرافده اون آلتی مدرسه علمیه انشا ایدیلرک ، دائمی صورتده بیك ایکی یوز طلبه علومک تحصیل علوم دینه ، ادبیه ، منطقیه و فلسفیه اسلام ایله اشتغال ایللرینی تهیل ایلشدر . امامک مزارینه باقان خدمه و مأمورینک عددی اوج بیك کیشی یی متجاوز اولوب بونلره بیه جک ، کیه جک و معاش یرلمکده در . حاصلی ایرانده بولنان املاک و عقارک درتده بری امامه وقف ایداش و کیجه کوندوز امامک مطبخندن فقرایه اطعمه و اشربه